



ტესტი ქართულ ენასა და ლიტერატურაში



2011

ინსტრუქცია

თქვენ წინაშეა საგამოცდო ტესტის ბუკლეტი და ამ ტესტის პასუხების ფურცელი.

**გაითვალისწინეთ, გასწორდება მხოლოდ პასუხების ფურცელი!
პასუხების ფურცლის გაკეცვა დაუშვებელია!**

ტესტის ბუკლეტი შეგიძლიათ გამოიყენოთ მხოლოდ შავი სამუშაოსათვის!

ქართული ენისა და ლიტერატურის ტესტი სამი ნაწილისაგან შედგება: I. ქართული ენა; II. ქართული ლიტერატურა; III. წაკითხულის გააზრება და წერიტი დავალება.

დავალებების ერთი ნაწილის შესასრულებლად საჭიროა პასუხების ფურცელში შესაბამისი უჯრედი მონიშნოთ **X-ით**. თუ პასუხების ფურცელში უჯრედი შეცდომით მონიშნეთ, მაშინ მთლიანად გააშავეთ იგი და მონიშნეთ სხვა უჯრედი.

დანარჩენ დავალებებს უნდა უპასუხოთ სიტყვიერად. პასუხების ფურცელში დაშვებული შეცდომა შეგიძლიათ გადახაზოთ და გვერდით (ან ზემოთ) დანეროთ სხვა პასუხი.

I და II ნაწილების შესასრულებლად აუცილებელი ინსტრუქციები მოცემულია ტესტის ბუკლეტში და თან ახლავს შესაბამის დავალებებს.

ყურადღებით გაეცანით ამ ინსტრუქციებს და არ დაგავიწყდეთ პასუხების გადატანა პასუხების ფურცელში!

ტესტის III ნაწილი - წაკითხულის გააზრება და წერიტი დავალება - ორი დავალებისაგან შედგება.

უნდა აირჩიოთ **ერთ-ერთი მათგანი** (ან N1 ან N2) და უნდა შეასრულოთ ამ დავალებაში მოცემული: **ა) წაკითხულის გააზრება** და **ბ) წერიტი დავალება**.

შეგიძლიათ წაკითხულის გააზრების ყველა პასუხი ჯერ ტესტის ბუკლეტში მონიშნოთ და შემდეგ გადაიტანოთ პასუხების ფურცლის სათანადო ადგილას.

წერიტი დავალების შავი ვარიანტის დასაწერად ტესტის ბუკლეტში საგანგებოდ გამოყოფილია რამდენიმე გვერდი.

გახსოვდეთ: აუცილებელია ყველა პასუხის გადატანა პასუხების ფურცელში!

გაითვალისწინეთ, არ გასწორდება ის დავალება, რომლის პასუხიც პასუხების ფურცელში საგანგებოდ ამ დავალებისათვის გამოყოფილ ადგილას არ იქნება გადატანილი!

არსად მიუთითოთ თქვენი სახელი და გვარი და არც პიროვნების იდენტიფიცირების სხვა საშუალება, წინააღმდეგ შემთხვევაში **ნაშრომი არ გასწორდება!**

ტესტის შესასრულებლად გეძლევათ 4 საათი.

გისურვებთ წარმატებას!

I. ქართული ენა

(4) 1. კონტექსტის გათვალისწინებით შეარჩიეთ, ჩამოთვლილთაგან რომელია ტექსტში ხაზგასმული სიტყვების შესაფერისი ანტონიმები.

ა) დაბალი. ბ) მაგარი. გ) მკაცრი. დ) მოკლე. ე) მცირე. ვ) პატარა. ზ) სასტიკი. თ) ღონიერი. ი) ცხელი. კ) ძლიერი.

აღპური ზონა ყველგან გვხვდება, სადაც კი მთებია. მცენარეებისა და ხეების უმრავლესობა მწვერვალებზე გაიყინებოდა და გახმებოდა. ამიტომ აქ მხოლოდ (1)დიდი და (2)სუსტი მცენარეები ხარობს, რომლებიც საუკეთესოდ ეგუება (3)მაღალ ტემპერატურას. მათი უმეტესობა ნელა იზრდება, მიწას ეკვრის და ასე იცავს თავს (4)რბილი ჰავის ზემოქმედებისაგან.

თქვენ მიერ შერჩეული პასუხები ხაზგასმული სიტყვების შესაბამისი ნომრების გასწვრივ მოცემულ უჯრედებში აღნიშნეთ X-ით.

	ა	ბ	გ	დ	ე	ვ	ზ	თ	ი	კ
1.	<input type="checkbox"/>									
2.	<input type="checkbox"/>									
3.	<input type="checkbox"/>									
4.	<input type="checkbox"/>									

(7) 2. ტექსტში დაშვებულია მორფოლოგიურ-ორთოგრაფიული და სინტაქსური შეცდომები. რამდენიმე წინადადებაში თითო-თითო შეცდომაა, რამდენიმე წინადადება კი უშეცდომოა.
 თუ წინადადებაში შეცდომაა დაშვებული, აღნიშვნა **X** გააკეთეთ პირველი რიგის შესაბამის უჯრედში, ხოლო თუ წინადადებაში შეცდომა არაა, აღნიშვნა **X** გააკეთეთ მეორე რიგის შესაბამის უჯრედში.

	I შეცდ.	II უშეცდ.
1. შუა საუკუნეებში აღმოსავლეთის ქვეყნებმა მეცნიერების განვითარების მხრივ მნიშვნელოვნათ გაუსწრეს ევროპას.	<input type="checkbox"/>	<input type="checkbox"/>
2. აღმოსავლელი მეცნიერები ციურ სხეულთა მოძრაობაში ისეთ თავისებურებებს ამჩნევდნენ, რაც სამყაროს ბერძნებისეულ სისტემას არ ეთანხმებოდა.	<input type="checkbox"/>	<input type="checkbox"/>
3. ასტრონომიამ დიდ წარმატებებს მიაღწია შუა აზიის ისეთ უმნიშვნელოვანეს კულტურულ ცენტრებში, როგორებიცაა: ბუხარა, მერვი და სამარყანდი.	<input type="checkbox"/>	<input type="checkbox"/>
4. აქ მოღვაწე ასტრონომებმა თავიანთ მიღწევებით არა მარტო გაუსწრეს სხვა ხალხებს, არამედ ნიადაგი მოუმზადეს ევროპულ მეცნიერებას.	<input type="checkbox"/>	<input type="checkbox"/>
5. X საუკუნის ბოლოსა და XI საუკუნის დასაწყისში ცხოვრობდა და მოღვაწეობდა გამოჩენილი მეცნიერი ბირუნი.	<input type="checkbox"/>	<input type="checkbox"/>
6. მას მტკიცედ წამდა, რომ ასტრონომიაში მხოლოდ ის მოსაზრება იმსახურებდა ნდობას, რომელიც ცდებით იყო დადასტურებული.	<input type="checkbox"/>	<input type="checkbox"/>
7. ბირუნი კრიტიკულად აფასებდა ბერძნთა მოძღვრებას და კოპერნიკამდე ხუთასი წლით ადრე სწორად ჰქონდა წარმოდგენილი მზის სისტემის აგებულება.	<input type="checkbox"/>	<input type="checkbox"/>

აქათ თავსა გარდავიქცევ, ახლოს მახლვან დიდნი კლდენი.

სული ჩემი შეივედრე, ზეცით მომხედენ ნუთუ ფროენი!“

1. *გადმოეცით* თქვენი სიტყვებით, რის გამო არ უნდა იდარდოს ტარიელმა (უპასუხეთ პირველი სტროფის მიხედვით).
2. *ამოიწერეთ* სტრიქონი, რომელშიც ჩანს, რომ ტარიელის გარეშე ნესტანის ამქვეყნიური არსებობა აზრს კარგავს.
3. *განმარტეთ*, რა გამოსავალი რჩება ნესტანს შექმნილი ვითარებიდან.
4. *განმარტეთ*, რას სთხოვს ნესტანი ტარიელს (უპასუხეთ მეორე სტროფის მიხედვით).
5. *განმარტეთ*, რა ელის ნესტანს იმ ქვეყნად, თუ ტარიელი მის თხოვნას შეასრულებს (ციტირება დაუშვებელია!).

- (5) 7. **ილია ჭავჭავაძის მოთხრობაში „მგზავრის წერილები“ რუსი ოფიცერი ეუბნება ავტორს:**
- „ეს ჩემი ოსტატობა რომ გავრცელდება, მაშინ შეიძლება, რომ ბუზების სყიდვა დაიწყონ. აი, ქვეყანაში ახალი აღებ-მიცემობაც გაჩნდება: ჩაივლით ერთს მშვენიერ დილას თქვენს ქალაქში და დაინახავთ ბუზების მალაზიასა... მე აქ არ მოვიდოდი, თუმცა კი ბევრს მხვებდებოდნენ. ჩემს გულში ვამბობდი: ღმერთს თუ ნიჭი მოუცია რამე ჩემთვის, ისევ ჩემებს გამოვადგე-მეთქი, მაგრამ ამ ახლად დაჭერილ ქვეყნებს უფრო განათლება უნდა-მეთქი; აქ განათლებული კაცები საჭირონი არიან. აბა ცოტა ხანი მოიცადეთ, რა მოხდება... იქნება იმისთანა კაციც გამოვიდეს, რომ თქვენს ქალაქშიაც იზღერის ბაღი გამართოს: მეცნიერის კაცისათვის ყველაფერი შესაძლოა. ამ ყოფითა მთელის პეტერბურგის განათლება აქ გადმოვა. მაშინ ჰნახავთ, რომ ერთს მშვენიერს დღეს სეირნობა გაიმართება იზღერის ბაღში, იმ ბაღში თქვენი ქალები თამამად სიარულს დაიწყებენ... აბა ხალხი მაშინ დაინახავს თავისს სამოთხეს, როგორც მეცნიერნი იტყვიან, ესე იგი, სამოთხე რომ მდაბიურად ვთქვათ... მაგრამ რა ვთქვათ, მდაბიურადაც სამოთხე სამოთხეა“.
1. *განმარტეთ*, კონკრეტულად რაში ხელავს რუსი ოფიცერი ვაჭრობის განვითარების შესაძლებლობას.
 2. *დაასახელეთ*, როგორი ადამიანები ესაჭიროება, რუსი ოფიცრის აზრით, „ახლად დაჭერილ ქვეყნებს“.
 3. *ამოიწერეთ* სიტყვები, რომლებშიც, რუსი ოფიცრის აზრით, გამოიხატება „მეცნიერი კაცის“ შრომის შედეგი (არა უმეტეს სამი სიტყვისა).
 4. *განმარტეთ*, მგზავრისადმი რა დამოკიდებულება ვლინდება რუსი ოფიცრის მცდელობაში, მდაბიურ ენაზე „უთარგმნოს“ თანამოსაუბრეს ზოგიერთი სიტყვა.
 5. *დაასახელეთ*, რუსი ოფიცრის მიმართ ავტორის რა დამოკიდებულება ჩანს მოყვანილ მონაკვეთში.

- (5) 8. **ყურადღებით წაიკითხეთ ნაწევრი გაჟა-ფშაველას პოემიდან „აღუდა ქეთელაური“:**
- | | |
|-----------------------------|-----------------------------|
| მუცალს არ სწადის სიკვდილი, | ხელს არ ჩავარდეს სხვისასა“. |
| ფერს არა ჰკარგავს მგლისასა, | სიტყვა გაუშრა პირზედა, |
| მაჰგლეჯს, დაიფევეს წყლულშია | დაბლა გაერთხა მიწასა. |
| მწვანეს ბალახსა მთისასა... | აღუდას თოფი არ უნდა, |
| თოფიც აღუდას გადუგდო, | ატირდა როგორც ქალიო; |
| ერთს კიდევ ეტყვის სიტყვასა: | არ აჰყრის იარაღებსა, |
| „ეხლა შენ იყოს, რჯულბადლო, | არ ეხარბება თვალიო. |
1. *ამოიწერეთ* სტრიქონი, რომელშიც გარეგნობის მეშვეობით მუცალის სულიერი მდგომარეობაა გამოხატული.
 2. *განმარტეთ*, მუცალის რა მოქმედებითაა გამოხატული ის, რომ მას სიცოცხლესთან გამოთხოვება არ სურს (ციტირება დაუშვებელია!).
 3. *განმარტეთ*, მუცალის რა მოქმედებითაა გამოხატული ის, რომ იგი აღუდას ვაჟკაცობას აღიარებს (ციტირება დაუშვებელია!).
 4. *დაასახელეთ*, რა იგულისხმება ხატოვან გამოთქმაში „სიტყვა გაუშრა პირზედა“.
 5. *განმარტეთ*, რატომ „არ ეხარბება თვალი“ აღუდას მუცალის იარაღზე.

(5) 9. ვალერიან გაფრინდაშვილის ლექსში „სანტიმენტალური ტრიოლეტი“ ვკითხულობთ:

ვარ მოწყენილი, ვით ზამთარში ნაზი ბელურა,
ვით შემოდგომის ღამეებში თეთრი ვერსალი,
შენს სილამაზეს ჩემი ტრფობა ესაფეხურა.

ვარ მოწყენილი, ვით ზამთარში ნაზი ბელურა.

მე განშორების ცივი თოვლი დიდხანს მეხურა,
ვტიროდი ხარბად – მარტოობით ნაალერსალი.

ვარ მოწყენილი, ვით ზამთარში ნაზი ბელურა,
ვით შემოდგომის ღამეებში თეთრი ვერსალი.

1. განმარტეთ, ლირიკული გმირის რა სულიერი მდგომარეობაა გამოხატული ლექსის პირველ სტრიქონში.
2. დაასახელეთ, ლირიკული გმირის რა განცდაა გამოხატული მესამე სტრიქონში (ციტირება დაუშვებელია!).
3. დაასახელეთ, რა მხატვრული საშუალებაა გამოყენებული სტრიქონში: „მე განშორების ცივი თოვლი დიდხანს მეხურა“.
4. ამოიწერეთ სტრიქონი, რომელშიც გამოხატულია ლირიკული გმირის ფიზიკური რეაქცია მტანჯველ გრძნობებზე.
5. განმარტეთ, რა არის ამ ლექსის მთავარი სათქმელი.

III. წაკითხულის გააზრება და წერითი დავალება

აირჩიეთ ორი დავალებიდან ერთ-ერთი და მხოლოდ ის შეასრულეთ!

დავალება № 1

ყურადღებით წაკითხეთ მონაკვეთები ოთარ ჭილაძის ნაწარმოებიდან „ცირკი“:

- | | |
|--|--|
| <p>I. უკვე ზარია და ვღელავ თითქოს.
გულმაც რაღაცა მანიშნა ისევ.
და ცხოველების სუნი და სითბო
მძიმე ხელივით მომისვა პირზე
ცირკის არენამ...</p> | <p>VI. სურვილი იყო ჩემი ბატონი.
მეც ვუჯერებდი, რადგან მომწონდა
ჩემი სურვილი... და საათობით
ვმღეროდი, როგორც ბავშვი კოცონთან...</p> |
| <p>II. აი, მუსიკაც!
ვისთან ხარ, ნეტავ...
ანდა ამ კლოუნს რა მოუვიდა,
თოკზე შედგომას რომ ვეღარ ბედავს
და ცრემლის ნაკადს ასხამს ყურიდან.</p> | <p>VII. თოკი, რომელიც ჩვენ გვაერთებდა,
ამ თოკს მაგონებს, რომელზეც ახლა
კლოუნი გადის.
შენ ზიხარ მაღლა...
ძალიან მაღლა...
თითქმის კედელთან...</p> |
| <p>III. არაფერს ფასი არა აქვს ისე,
თუ არ დამალა შიში კლოუნმა.
და, ალბათ, ისიც მოიმტვრევს კისერს,
ხიფათი თუ ვერ იგრძნო დროულად.</p> | <p>VIII. მე კი მარტო ვარ და ბევრი დრო მაქვს,
რომ ყველაფერზე ვიფიქრო მშვიდად.
მე ვერ შევძელი იმ თოკზე დგომა
და შენ დაგკარგე.
და აღარ მინდა,
რომ ერთხელ კიდევ დავარტყა კეფა
რკინის იატაკს.
კლოუნს კი რაღაც
აშინებს ისევ და მხოლოდ ხელფასს
დაკარგავს, თუ ვერ გაბედა ახლაც.</p> |
| <p>IV. მეც უნდა დროზე მეგრძნო ხიფათი,
თუმცა ხიფათზე სულ არ ვფიქრობდი.
მე მქონდა ფრთები და რაც მხიბლავდა,
დაუფიქრებლად მისკენ მივქროდი.</p> | <p>IX. მე შენ დაგკარგე და ეგ საყურე
ვარსკვლავად მექცა... და შენს გამოა,
მარტო რომ ვზივარ.</p> |
| <p>V. დუმილს და ყოყმანს გადაჩვეული
დაუფიქრებლად მივქროდი ასე
და ცა მიმქონდა, როგორც რვეული,
ჯერ გაურკვეველ ნიშნებით სავსე.</p> | |

აი, მსახურებს
აკრობატების ბაღე გამოაქვთ.

- X.** ცირკში ყველაფერს ხსნიან მარტივად.
მე კი, რაც ვნახე, ისიც მეყოფა.
მეც ხომ გაფრენილ აკრობატივით
ჩემი სიცოცხლე ვანდე მეგობარს.
ის კი სხვა სკამზე გადაჯდა მაშინ,
როცა გასროლილ ქვასავით სწრაფად
მივქროდი მისკენ და ხალხიც ტაშით
მაჯილდოვებდა.
თვალი კი საფარს
და ხელჩასავლებ ადგილს ეძებდა,
მაგრამ ამაოდ.
და ჩემი ქროლვა
შეწყდა შიშისგან დამფრთხალ მხეცებთან

და კლოუნებთან.
მაგრამ მე დრო მაქვს,
რომ ყველაფერზე ვიფიქრო კარგად,
ვიფიქრო სწორად, დიდხანს და მშვიდად.
ვიპოვო თავი და რასაც ვკარგავ,
მთლიანად გაქრეს ის ჩემი ციდან.

- XI.** თუმცა საბრალო ადამიანი
ყოველთვის რჩება ადამიანად.
რაც უნდა ძველი იყოს იარა,
არ მოშუშდება მაინც მთლიანად,

- XII.** არ გამოჩნდება მაინც გარედან,
მაგრამ ყოველთვის გემახსოვრება...
და რაც უხდება ცირკის არენას,
ის სასაცილოდ ხდის ჩვენ ცხოვრებას.

უპასუხეთ შემდეგ კითხვებს:

- (1) **10. ლექსის ლირიკული გმირის რა თვისება ჩანს IV სტროფში?**
ა) გულგრილობა.
ბ) დაუნდობლობა.
გ) ქედმაღლობა.
დ) წინდაუხედაობა.
- (1) **11. რა მხატვრული საშუალებაა გამოყენებული V სტროფში?**
ა) გაპიროვნება.
ბ) ეპითეტი.
გ) მეტაფორა.
დ) სარკაზმი.
- (1) **12. რა მიაქროლდება ლირიკულ გმირს „დაუფიქრებლად“?**
ა) მშვენიერი სიმღერა.
ბ) უღრუბლო ცა.
გ) შიშისმომგვრელი დუმილი.
დ) ძლიერი სურვილი.
- (1) **13. ვის გულისხმობს ავტორი სიტყვებში: „შენ ზიხარ მაღლა“?**
ა) კლოუნს.
ბ) მეგობარს.
გ) საკუთარ თავს.
დ) სატროფს.
- (1) **14. VIII სტროფის მიხედვით, რომელ სტრიქონში ჩანს ძირითადი განსხვავება კლოუნსა და ლირიკულ გმირს შორის?**
ა) „მე ვერ შევძელი იმ თოკზე დგომა...“
ბ) „მე კი მარტო ვარ და ბევრი დრო მაქვს...“
გ) „რომ ერთხელ კიდევ დავარტყა კეფა...“
დ) „რომ ყველაფერზე ვიფიქრო მშვიდად“.
- (1) **15. რას გულისხმობს ავტორი სიტყვებში: „აღარ მინდა, რომ ერთხელ კიდევ დავარტყა კეფა“?**
ა) ლირიკულ გმირს თოკიდან ჩამოვარდნის ეშინია.
ბ) ლირიკულ გმირს სატროფს დაკარგვის ეშინია.
გ) ლირიკულ გმირს ფიქრის გაგრძელების ეშინია.
დ) ლირიკულ გმირს შეცდომის გამეორების ეშინია.
- (1) **16. რას გულისხმობს ავტორი სიტყვებში: „და ეგ საყურე ვარსკვლავად მექცა...“?**
ა) ლირიკული გმირისათვის სატროფო არაამქვეყნიური არსებაა.
ბ) ლირიკული გმირისათვის სატროფო ვარსკვლავივით მიუწვდომელი გახდა.

- გ) ლირიკული გმირისათვის სატრფო ვარსკვლავით მშვენებია.
- დ) ლირიკული გმირისათვის სატრფო საყურესავით ძვირფასია.

(1) **17. რისთვის ესაჭიროება ლირიკულ გმირს „სწორად, დიდხანს და მშვიდად“ ფიქრი?**

- ა) რომ დაიბრუნოს მეგობარი.
- ბ) რომ დაიბრუნოს სატრფო.
- გ) რომ დაივიწყოს სატრფო.
- დ) რომ დაივიწყოს ღალატი.

(1) **18. რის თქმა სურს ლირიკულ გმირს სიტყვებით: „რაც უნდა ძველი იყოს იარა, არ მოშუშდება მაინც მთლიანად“?**

- ა) დიდი სიყვარულის მთლიანად დავიწყება შეუძლებელია.
- ბ) მეგობრის ღალატის მთლიანად პატიება შეუძლებელია.
- გ) სატრფოს ღალატის მთლიანად დავიწყება შეუძლებელია.
- დ) ძველი ჭრილობის მთლიანად მოშუშება შეუძლებელია.

(1) **19. რა არის მოცემული ტექსტის უმთავრესი აზრი?**

- ა) ადამიანის ცხოვრებასა და საცირკო წარმოდგენას შორის, სამწუხაროდ, დიდი მსგავსებაა.
- ბ) ადამიანის ცხოვრებასა და საცირკო წარმოდგენას შორის, საბედნიეროდ, მსგავსება არ არის.
- გ) აკრობატები ხშირად ღალატობენ ძველ სიყვარულსა და ერთგულ მეგობრებს.
- დ) აკრობატებსა და კლოუნებს თოკზე გავლის არ უნდა ეშინოდეთ.

ბ) წერითი დავალება:

წერითი დავალების ინსტრუქცია:

ყურადღებით გაეცანით დავალების პირობას.

ნაწერი არ გასწორდება, თუ ნაშრომი დავალებას არ უპასუხებს, მოცემული ტექსტის პერიფრაზია, არ არის შესრულებული არც ერთი მითითება ან მოცემული ტექსტი მთლიანობაში არაადეკვატურადაა გაგებული, ანდა ენობრივად იმდენად გაუმართავია, რომ აზრის გაგება ჭირს.

ნაშრომი შესრულებული უნდა იყოს გასაგები (გარკვეული) ხელწერით. ის მონაკვეთები, რომელთა ამოკითხვაც გაძნელებულია, არ გასწორდება და თხზულების შეფასებისას მხედველობაში არ იქნება მიღებული.

ორივე წერით დავალებას თან ახლავს სამ-სამი მითითება. ამ მითითებებს უნდა უპასუხოთ ისე, რომ თხზულება აზრობრივად ერთიანი, მთლიანი გამომვიდეს და არ იყოს კითხვებზე ცალცალკე გაცემული პასუხების მექანიკური ჯამი ან მოცემული ტექსტის პერიფრაზი (თუნდაც მთელი თხზულების შინაარსის გადმოცემა). გაითვალისწინეთ, რომ დავალების მითითება შესრულებულად არ ჩაითვლება, თუ მასზე მხოლოდ ერთი-ორი წინადადებით იქნება პასუხი გაცემული.

ჩამოაყალიბეთ თქვენი აზრი ნათლად, მკაფიოდ, დეტალურად და დასაბუთებულად. ნაშრომი შეფასდება იმის მიხედვით, თუ რამდენად ჩანს მასში არგუმენტებისა და დამოუკიდებელი აზროვნების უნარი და არა იმის მიხედვით, ემთხვევა თუ არა თქვენი პოზიცია საყოველთაოდ აღიარებულ თვალსაზრისს. მსჯელობა უნდა იყოს ლოგიკურად გამართული და აბზაცებით დანაწევრებული; უნდა დაიცვათ სალიტერატურო ენის ნორმები.

ტესტში დატოვებულია ფურცლები შავი სამუშაოსათვის, რომელიც არ სწორდება (სურვილის მიხედვით, შეგიძლიათ გამოიყენოთ ან არ გამოიყენოთ ისინი).

პასუხების ფურცელში დაშვებული შეცდომა გადახაზეთ და ნუ დაჯღაბნით.

წერითი დავალების მაქსიმალური ქულაა 25.

გააანალიზეთ მოცემული ტექსტი შემდეგი მითითებების მიხედვით:

- იმსჯელეთ, რა მორალურ-ეთიკურ პრობლემებს სვამს ავტორი მოცემულ ტექსტში.
- იმსჯელეთ, რა არის მოცემული ტექსტის მთავარი სათქმელი და რა მხატვრული საშუალებებითაა იგი რეალიზებული.

- ჩამოაყალიბეთ თქვენი პიროვნული დამოკიდებულება მოცემულ ტექსტში წამოჭრილი პრობლემების მიმართ.

თქვენი თვალსაზრისი დაასაბუთეთ!

დავალება № 2

გურამ გეგეშიძის მოთხრობა „დიდებას“ პერსონაჟი, მშვიერი და უპოვარი ხუროთმოძღვარი დიდება მის მიერვე აშენებულ ეკლესიაში მოხვდა:

აქ იყო სიჩუმე, სიცივე, სიცარიელე. გარდა ამისა, საკმაოდ ბნელოდა... დიდება ბნელ კუთხეში დაჯდა და შიშველ კედლებს მიაპყრო მზერა... ერთ ადგილზე დაწყებულ, მაგრამ დაუმთავრებელი მონახატი გააჩნია. პირქუში და ცბიერი სახეები იცქირებოდნენ კედლიდან. დიდებას ჩაეცინა. ანგელოსების ასახვა სურდა და ეშმაკეულნი გამოუვიდა, რადგან ეშმაკეულთ კარგად იცნობდა, ყოველ ფეხის ნაბიჯზე ხვდებოდა. ჰოდა, რაც იცოდა, ის უკეთესად გამოსდიოდა; განა ეშმაკეულნი არ იყვნენ ღირსნი ყურადღებისა? თუმცა, რა უნდა ეშმაკეულს ეკლესიის კედლებზე, კიდევ კარგი, ვერ მოასწრო ნახატის დასრულება, არ დააცალეს, არ დაამთავრებინეს. ახლა გული აღარ სწყდებოდა ამაზე...

სადღაც კარმა გაიჭრაჭუნა, ფეხის ხმაც გაისმა, მაგრამ დიდებას არავინ დაუნახავს. კიდევ უფრო მოიკუნტა. რა მოუტანა ამდენმა წვალებამ? აჰა, ეს ეკლესია ააგო, ახლა მას სხვები განაგებენ, აქ სხვები დადიან, თვითონ კი მათხოვარავით ზის ბნელ კუთხეში ნაწამები, დაღლილი, გულგრილი. აღარავის ახსოვს მისი არსებობა, ან თვითონ რით გაიხარა? არც ერთ მის ოცნებას აღსრულება არ ეწერა. სამშობლო უთათრდებოდა, ხალხი ირყენებოდა, ბოროტება სიკეთეს სძლეოდა. მაგრამ თავის იღბალს მაინც არ ემდუროდა დიდება. თუმცა ბედი არასოდეს ანებივრებდა, ბოლომდეც არასდროს იმეტებდა. არც მოღალატე ყოფილა, საკუთარი ერის წინააღმდეგ მებრძოლი, არც მკვლეელი, არც დამსმენი. კიდევ ბევრი უკეთურება ასცდენია. განა ეს ბედის წყალობა არ იყო? რამდენად ბედნიერი იყო ნასყიდა-ეფენდისთან შედარებით, თუნდაც იმით, რომ ეფენდის არავინ ეძახდა და არც არავინ დაუძახებდა არასოდეს. ძალაუფლებაც ვერაფერი უპირატესობაა, მერე რა, რომ კაცის მოკვლა, გამწარება და აწიოკება შეგიძლია დაუსჯელად, ან თუნდაც უსაზღვრო წყალობის გაღება, როცა მოგესურვება? ყველა მბრძანებელი მონაა თავისი ძალაუფლებისა, უფრო უარესი მონა, ვიდრე ბორკილდადებული ტყვე, თავისუფლებაზე ოცნებას რომ ვერავინ დაუშლის.

დაღლილმა დიდებამ თავი ჩაჰქინდრა და ჩასთვლიმა. უცებ, ვიდაცამ შეანჯღღრია. დაფეთებული გამოერკვა და შავანაფორიანი მორჩილი შერჩა ხელთ.

„მამა ნიკიფორე გიხმობს თავის სენაკში!“

„ვინა?“ შეშფოთდა დიდება.

„მამა ნიკიფორეს არ იცნობ?“ გამკაცრდა ხმა.

დიდება წამოდგა და უკან მიჰყვა ტანმორჩილ ბერს...

ბნელი ტალანი გაიარეს. მორჩილმა მუხის მძიმე კარი შეაღო და დიდება მკრთალად განათებულ საკანში შეუშვა, რომელსაც თაღივით მორკალული ჭერი ჰქონდა და ერთადერთი ვიწრო სარკმელი, საიდანაც შემოსული შუქი, ეტყობა, არ იყო საკმარისი და ამიტომ კედელზე მიმაგრებულ შანდალში მსხვილი კელაპტარი ენთო. მამა ნიკიფორე ტახტზე იჯდა. მან ჯვარი გადასწერა დიდებას და ხელი გამოუწოდა. დიდება ემთხვია მღვდელმთავარს.

„წედან საკურთხეველიდან გამოვედი და დაგინახე კუთხეში მჯდარი. მყისვე გიცანი. შენზე ამბობდნენ დაიღუპაო, როგორ გადარჩი?“ ჰკითხა მამა ნიკიფორემ.

„თვითონაც არ ვიცი. ჯერ არ მეწერა, ალბათ, სიკვდილი“.

„აქამდე როგორღა მოაღწიე, თავი რით გაიტანე, ქურდობა შენ არ შეგიძლია და მათხოვრობა“.

„ხან ქარავნებს ავედვენე, ხან მწყემსებს შევეკედლე. გარეული ხილიც მხვდებოდა გზად და ასე გავეძელი...“

მამა ნიკიფორემ თავი უკმაყოფილოდ გააქნია.

„საკუთარი თავისთვის ბრძოლა არ შეგიძლია, ხელის გამოღება არ გიყვარს, თორემ რომელი მეომარი შენა ხარ? რატომ გლახუნა არ წაიყვანეს ლაშქარში, ვითომ რითა გჯობია, რით არის შენზე უკეთესი ხუროთმოძღვარი?“

„ვინა თქვა, უკეთესიაო?“

„ყველას ეგრე ჰგონია“.

„იმიტომ, რომ ეგ ბრიყვი და ამპარტავანია და ბრბოს ბრძენი და ძლიერი ჰგონია. განა მაგდენის გარჩევა შეუძლიათ? თანაც ხელისუფალნი გლახუნას მფარველობენ“.

„იმიტომ, რომ, რასაც ეუბნებიან, იმას აკეთებს, იცის, როგორ ასიაშოვნოს ძალაუფლების მკერობელთ“.

„ჰოდა, ქვეყანაც მაგისტანა გლახუნების ხელშია“.

სინამდვილე ჩამოვარდა. ისმოდა, როგორ იღვინებოდა შიშინით შანდალში ჩარჭობილი სანთელი.

„ეხლა რას აპირებ?“

„რა ვიცი, აბა? მძიმედ ვიყავი დაჭრილი, ბევრი სისხლი დაგვარგე. მაგრამ რაკი ცოცხალი დავრჩი და ტყვეობასაც გადავურჩი, აღარა მიშავს რა. რამე საქმეს მოვკიდებ ხელს...“ თქვა დიდებამ.

„ეკლესიების შენება კარგა ხანია აკრძალეს, მოხატვაც“.

„ვიცი“.

„ჰოდა, რა უნდა ქნა, რა გიყო, რით დაგეხმარო, მე რა შემიძლია?“

დიდებამ ფერმა გადაუარა, გული ძალუძად აუტყურდა და მუხლებში სისუსტე იგრძნო.

„მამაო, თუ ამ ეკლესიის მებაღედ ამიყვან, ან დარაჯად...“

„დარაჯი მყავს, მებაღედ შენ არ გამოდგები...“

დიდებამ თავი ჩაქინდრა. თვითონაც გრძნობდა, რომ არ იყო შეუპოვარი კაცი და ამის გამო ის ხალხი, მის ფრჩხილად რომ არ ღირდა, ანგარიშს არ უწევდა და არაფრად აგდებდა. ამ ამბავს უკვე შეჩვეული იყო, რადგან ამ ქვეყანაში რწყილისოდენა შესაძლებლობების პირებსაც კი სპილოსოდენა მოთხოვნები და გაბერილი წარმოდგენა ჰქონდათ თავის თავზე. ბუნებრივია, ჭეშმარიტად ღირსეულ ხალხს ზედაც არავინ უყურებდა. ადამიანის ბედი მის გარეგნობაში და ხასიათშიც არის გამოსატყული. დიდება ერთი უბრალო კაცი იყო, შეუხედავი და ჩუმი. ვინ მისცემდა მას სამუშაოს, ვიღას ახსოვდა და ვიღას სჭირდებოდა იგი. ან რა შენდებოდა, ან რა კეთდებოდა იმის ფასი, რაც ინგრეოდა და ნადგურდებოდა!

„ერთი თხოვნა მაქვს, მამაო! მომეცი უფლება სამრეკლოს კიბის ქვეშ დამე მაინც გავათიო ხოლმე...“

მამა ნიკიფორემ წვერზე ხელი ჩამოსვა.

„ეგ არ არის ძნელი. კი, ბატონო. ვეტყვი, თივა დაგიგონ!“

დიდებამ მადლობა გადაუხადა და გახარებული კარისკენ გაემართა. მამა ნიკიფორე გაოცებული დარჩა, რა უხარიაო, მაგრამ მერე მოაგონდა, ეს კაცი მუდამ ძალზე მცირეთი რომ კმაყოფილდებოდა, ქვეყნისგან ბევრს არაფერს მოითხოვდა... დიდება თავის გააკეთებულ საქმეს თვითონ არ აფასებდა დიდად და სხვები რას დაუფასებდნენ. ასეთი კაცი იყო იგი, მაგრამ მაინც კმაყოფილი იყო მამა ნიკიფორე, რომ იმ ეკლესიის ამგებს, რომელსაც ახლა თვითონ განაგებდა, მცირე პატივი მიაგო, დახმარების ხელი გაუწოდა, თავშესაფარი მისცა. ბევრი ამასაც ვერ გაბედავდა...

ა) წაკითხულის გააზრება:

დავალების შესასრულებლად ყურადღებით გაეცანით ტექსტს. კითხვებზე პასუხების გაცემა მაშინ დაიწყეთ, როდესაც ტექსტის შინაარსი მთლიანად გასაგები იქნება. მოცემული ოთხ-ოთხი პასუხიდან აირჩიეთ მხოლოდ ერთი და შემოხაზეთ. მონიშნული პასუხი გადაიტანეთ პასუხების ფურცელში ამგვარად: პასუხის შესაბამის უჯრედში გააკეთეთ აღნიშვნა – X.

უპასუხეთ შემდეგ კითხვებს:

(1) 10. რა მიზეზით „გამოუვიდა“ დიდებამ ეკლესიის კედლებზე ანგელოსების ნაცვლად ეშმაკეულნი?

- ა) ეშმაკეულთა გამოსახვით დიდება საზოგადოებრივ მანკიერებებს ამხელდა.
- ბ) ეშმაკეულთა გამოსახვით დიდებამ თავისი ოსტატობის ჩვენება სურდა.
- გ) საზოგადოებაში, რომელშიც დიდება ცხოვრობდა, გულგრილობა სუფევდა.
- დ) საზოგადოებაში, რომელშიც დიდება ცხოვრობდა, ბოროტება იყო გამეფებული.

(1) 11. რა საფუძველი აქვს დიდებამ პიროვნულ ტრაგედიას?

- ა) ეკლესიის კედლების მოხატვა ვერ დაასრულა.
- ბ) მის მიერ აგებულ ეკლესიას სხვები განაგებდნენ.
- გ) მძიმე ცხოვრებამ დაღალა და გულგრილი გახადა.
- დ) „ბედი არასოდეს ანებივრებდა, ბოლომდეც არასოდეს იმეტებდა“.

(1) 12. რატომ თვლიდა დიდება საკუთარ თავს ბედნიერად ნასყიდა-ეფენდისთან შედარებით?

- ა) იმიტომ, რომ ცხოვრებაში ბევრი უკეთურება ასცდა.

- ბ) იმიტომ, რომ „უსაზღვრო წყალობის გაღება“ არ შეეძლო.
- გ) იმიტომ, რომ სხვების „გამწარება და აწიოკება“ შეეძლო.
- დ) იმიტომ, რომ ძალაუფლების ტვირთი არ აწვა.
- (1) **13. რის თქმა სურს ავტორს ფრაზით:** „ყველა მბრძანებელი მონაა თავისი ძალაუფლებისა“?
- ა) ძალაუფლება გულისხმობს თავისუფლებას.
- ბ) ძალაუფლების მქონე თავისუფალია.
- გ) ძალაუფლების მქონე მბრძანებელია.
- დ) ძალაუფლება გულისხმობს მონობას.
- (1) **14. რის თქმა სურს მამა ნიკიფორეს სიტყვებით:** „ხელის გამოღება არ გიყვარს“?
- ა) დიდება საკუთარი ცხოვრების მოწივობაზე არ ზრუნავს.
- ბ) დიდება ცხოვრების მიზნად ომში გამარჯვებას არ მიიჩნევს.
- გ) დიდებასთვის მთავარი მიზანი პირადი კეთილდღეობაა.
- დ) დიდებასთვის მთავარი ახალი ტაძრების აგებაა.
- (1) **15. გლახუნას ხასიათის რა თვისება ჩანს მოცემულ ტექსტში?**
- ა) გლახუნასათვის მნიშვნელობა არა აქვს ხელისუფალთა კეთილგანწყობას.
- ბ) გლახუნა პრინციპული ხელოვანია და ამიტომ მფარველობენ ხელისუფალნი.
- გ) გლახუნას დამსახურებულად აქვს მოპოვებული ხელისუფალთა კეთილგანწყობა.
- დ) გლახუნა მედროვე ხელოვანია და ამიტომ მფარველობენ ხელისუფალნი.
- (1) **16. საზოგადოების რა ზნეობრივ მდგომარეობას წარმოაჩენს დიდებას სიტყვები:** „ქვეყანაც მაგისტანა გლახუნების ხელშია“?
- ა) საზოგადოება ზნეობრივ იდეალად გლახუნას აღიარებს.
- ბ) საზოგადოებაში ზნეობრივი პრინციპები გაუფასურებულია.
- გ) საზოგადოება ზნეობრივ იდეალად დიდებას აღიარებს.
- დ) საზოგადოებაში ზნეობრივი პრინციპები ხელშეუხებელია.
- (1) **17. რომელ ციტატაშია გამოყენებული მხატვრული საშუალება?**
- ა) „ანგარიშს არ უწევდა და არაფრად აგდებდა“.
- ბ) „არც მოღალატე ყოფილა, საკუთარი ერის წინააღმდეგ მებრძოლი“.
- გ) „სპილოსოდენა მოთხოვნები და გაბერილი წარმოდგენა ჰქონდათ“.
- დ) „დიდებას... გული ძალუმად აუძგერდა“.
- (1) **18. რატომ იყო მამა ნიკიფორეს მხრიდან დიდებასათვის დახმარების გაწევა გაბედულება?**
- ა) დიდება პრინციპებისადმი ერთგულების გამო საშიში იყო ხელისუფლებისათვის.
- ბ) დიდება ეკლესიისადმი უპატივცემულობის გამო მიუღებელი იყო ხელისუფლებისათვის.
- გ) დიდებას გადაჭარბებული წარმოდგენა ჰქონდა საკუთარ შესაძლებლობებზე.
- დ) დიდებამ ეკლესიის კედლებზე უნებურად ეშმაკეულნი გამოსახა.
- (1) **19. რა არის მოცემული ტექსტის უმთავრესი აზრი?**
- ა) დეგრადირებულ საზოგადოებას ნამდვილი ხელოვანის დაფასება არ შეუძლია.
- ბ) დეგრადირებულ საზოგადოებას მტერზე გამარჯვების მოპოვება არ შეუძლია.
- გ) დეგრადირებულ საზოგადოებაში ადამიანი კეთილდღეობას ვერ მოიპოვებს.
- დ) დეგრადირებულ საზოგადოებაში ძალაუფლების წყურვილი ძლიერდება.

ბ) წერითი დავალება:

წერითი დავალების ინსტრუქცია:

ყურადღებით გაეცანით დავალების პირობას.

ნაწერი არ გასწორდება, თუ ნაშრომი დავალებას არ უპასუხებს, მოცემული ტექსტის პერიფრაზია, არ არის შესრულებული არც ერთი მითითება ან მოცემული ტექსტი მთლიანობაში არაადეკვატურადაა გაგებულნი, ანდა ენობრივად იმდენად გაუმართავია, რომ აზრის გაგება ჭირს.

ნაშრომი შესრულებული უნდა იყოს გასაგები (გარკვეული) ხელწერით. ის მონაკვეთები, რომელთა ამოკითხვაც გაძნელებულია, არ გასწორდება და თხზულების შეფასებისას მხედველობაში არ იქნება მიღებული.

ორივე წერით დავალებას თან ახლავს სამ-სამი მითითება. ამ მითითებებს უნდა უპასუხოთ ისე, რომ თხზულება აზრობრივად ერთიანი, მთლიანი გამოვიდეს და არ იყოს კითხვებზე ცალცალკე გაცემული პასუხების მექანიკური ჯამი ან მოცემული ტექსტის პერიფრაზი (თუნდაც მთელი თხზულების შინაარსის გადმოცემა). გაითვალისწინეთ, რომ დავალების მითითება შესრულებულად არ ჩაითვლება, თუ მასზე მხოლოდ ერთი-ორი წინადადებით იქნება პასუხი გაცემული.

ჩამოაყალიბეთ თქვენი აზრი ნათლად, მკაფიოდ, დეტალურად და დასაბუთებულად. ნაშრომი შეფასდება იმის მიხედვით, თუ რამდენად ჩანს მასში არგუმენტირებისა და დამოუკიდებელი აზროვნების უნარი და არა იმის მიხედვით, ემთხვევა თუ არა თქვენი პოზიცია საყოველთაოდ აღიარებულ თვალსაზრისს. მსჯელობა უნდა იყოს ლოგიკურად გამართული და აბზაცებით დანაწევრებული; უნდა დაიცვათ სალიტერატურო ენის ნორმები.

ტესტში დატოვებულია ფურცლები შავი სამუშაოსათვის, რომელიც არ სწორდება (სურვილის მიხედვით, შეგიძლიათ გამოიყენოთ ან არ გამოიყენოთ ისინი).

პასუხების ფურცელში დაშვებული შეცდომა გადახაზეთ და ნუ დაჯღაბნით.

წერითი დავალების მაქსიმალური ქულაა 25.

გაანალიზეთ მოცემული ტექსტი შემდეგი მითითებების მიხედვით:

- იმსჯელეთ, რა მორალურ-ეთიკურ პრობლემებს სვამს ავტორი მოცემულ ტექსტში.
- იმსჯელეთ, რა არის მოცემული ტექსტის მთავარი სათქმელი და რა მხატვრული საშუალებებითაა იგი რეალიზებული.
- ჩამოაყალიბეთ თქვენი პიროვნული დამოკიდებულება მოცემულ ტექსტში წამოჭრილი პრობლემების მიმართ.

თქვენი თვალსაზრისი დაასაბუთეთ!

III ვარიანტი

I. ქართული ენა

1. 1. – ვ); 2. – კ); 3. – ა); 4. – გ).
 2. I შეცდ. 1, 2, 4, 6; II უშეცდ. 3, 5, 7.

3. თავისუფლების მოედანი დიდი ხნის განმავლობაში უკაცრიელ ადგილს წარმოადგენდა. ვახუშტის მიერ შედგენილ გეგმაზე იგი გარშემორტყმულია ბაგრატიონთა ბაღებით. მე-19 საუკუნის პირველ ნახევარში მოედანზე შემოს ბაზრობა იმართებოდა. იქ, სადაც ახლა მცირე სკვერია შემორჩენილი, შემით დატვირთული ურმების სადგომი იყო. მოგვიანებით ამ ადგილას ხეივნის გაშენება გადაწყვიტეს. თბილისის საზოგადოებამ გაიღო თანხა, რათა აქ პუშკინის ბიუსტი დაედგათ.

მოედნის ირგვლივ იდგა რამდენიმე შენობა, რომლებიც სხვადასხვა დროს აიგო. ზოგიერთი მათგანი დღესაც ამშვენებს ჩვენს დედაქალაქს. მოედნის ერთ მხარეს დგას მერიის შენობა, რომელიც მე-19 საუკუნის 30-იან წლებში აღუმართავთ. თავდაპირველად აქ პოლიციის განყოფილება იყო განთავსებული. მოგვიანებით ქალაქის ხელმძღვანელობამ ნაგებობა არქიტექტორ შტერნის პროექტის მიხედვით გადააკეთებინა. საბოლოო სახე მან 1912 წელს მიიღო.

4.

I. კრიტერიუმი

№	ტექსტის ორგანიზება	ქულები
1.	ტექსტი ორგანიზებულია და პასუხი გაცემულია სამივე მითითებაზე.	3
2.	ტექსტი ორგანიზებულია და პასუხი გაცემულია ორ მითითებაზე ან პასუხი გაცემულია სამივე მითითებაზე, მაგრამ ტექსტი არ არის სათანადოდ ორგანიზებული.	2
3.	ტექსტი ორგანიზებულია, მაგრამ პასუხი გაცემულია მხოლოდ ერთ მითითებაზე ან პასუხი გაცემულია ორ მითითებაზე, მაგრამ ტექსტი არ არის სათანადოდ ორგანიზებული და/ან დავალება ნაწილობრივ არაადეკვატურადაა გაგებული.	1
4.	ტექსტი არ არის სათანადოდ ორგანიზებული და პასუხი გაცემულია მხოლოდ ერთ მითითებაზე ან დავალება არაადეკვატურადაა გაგებული.	0 ნაწერი არ სწორდება

II. კრიტერიუმი

№	დასაბუთება	ქულები
1.	დამაჯერებლად აა დასაბუთებული სამივე მითითება და გამყარებულია შე-საბამისი მაგალითებით.	4
2.	დამაჯერებლად აა დასაბუთებული ორი მითითება და მესამე – ნაწილობრივ.	3
3.	დამაჯერებლად აა დასაბუთებული ერთი მითითება და ორი – ნაწილობრივ.	2
4.	ნაწილობრივ არის დასაბუთებული სამივე მითითება ან დამაჯერებლად აა დასაბუთებული ორი მითითება, მაგრამ ერთი მითითება არ არის დასაბუთებული.	1
5.	ნაწილობრივ არის დასაბუთებული მხოლოდ ორი მითითება და მესამე არ არის დასაბუთებული ან დასაბუთებულია მხოლოდ ერთი მითითება, დანარჩენი ორი არ არის დასაბუთებული.	0

III. კრიტერიუმი

№	ორიგინალური აზროვნება და ზოგადი განათლება	ქულები
1.	ნაშრომში გამოვლინდა ორიგინალური აზროვნება და/ან ზოგადი განათლება.	1
2.	ნაშრომში არ გამოვლინდა ორიგინალური აზროვნება და/ან ზოგადი განათლება.	0

IV. კრიტერიუმი

№	ლექსიკა და სტილი	ქულები
1.	ნაშრომში აზრი ენობრივად (ლექსიკურად) ზუსტად და მკაფიოდ გამოხატული, შერჩეულია დასმული ამოცანის შესაფერისი სტილი, დაცულია ნაშრომის სტილისტური ერთგვაროვნება. გვხვდება ორიოდ სტილისტური ხარვეზი.	3
2.	ნაშრომში აზრი ენობრივად (ლექსიკურად) ზუსტად და მკაფიოდ გამოხატული, მაგრამ გვხვდება სტილისტური ხარვეზები.	2
3.	ნაშრომში აზრი გასაგებია, მაგრამ ლექსიკა მწირია, გვხვდება არაადეკვატური ლექსიკა და სტილისტური ხარვეზები.	1
4.	ნაშრომი სტილისტურად გაუმართავია.	0

V. კრიტერიუმი

№	მორფოლოგია, ორთოგრაფია, სინტაქსი	ქულები
1.	არ არის დაშვებული ორზე მეტი შეცდომა.	3
2.	არ არის დაშვებული ოთხზე მეტი შეცდომა.	2
3.	არ არის დაშვებული ექვსზე მეტი შეცდომა.	1
4.	დაშვებულია ექვსზე მეტი შეცდომა.	0

VI. კრიტერიუმი

№	პუნქტუაცია	ქულები
1.	არ არის დაშვებული სამზე მეტი შეცდომა.	1
2.	დაშვებულია სამზე მეტი შეცდომა.	0

II. ქართული ლიტერატურა

5. წერა-კითხვის მცოდნეს აღნიშნავს სიტყვა „მწიგნობრობითა“. ტექსტში მოხსენებული ბიბლიური პერსონაჟი, რომელიც ებრაელთა და არაბთა საერთო წინაპრადაა მიჩნეული, არის აბრაჰამი. ეს სიტყვები ნიშნავს, რომ აბო თავისი გადაწყვეტილების შესაბამისად კი არ მოქმედებდა, არამედ – ღვთის ნებით. ამით ავტორს იმის ხაზგასმა სურს, რომ მატერიალურთან შედარებით ყოველთვის სულიერ მოთხოვნებს უნდა მიენიჭოს უპირატესობა. აბოს კეთილშობილებას აღნიშნავს სიტყვა „სათნოებითა“.

1. მწიგნობრობითა _____ 1ქ.
2. აბრაჰამი _____ 1ქ.
3. არა თავისი სურვილით, არამედ ღვთის მოწოდების თანახმად _____ 1ქ.
4. ქრისტიანობისათვის ადამიანმა მატერიალური ფასულობანი უნდა დათმოს _____ 1ქ.
5. სათნოებითა _____ 1ქ.

6. ტარიელმა არ უნდა იდარდოს იმის გამო, რომ ნესტანი შეიძლება სხვას გაჰყვეს ცოლად. „არამ სიცოცხლე უშენოდ! ვარ აქამდისცა ნანითა“. შექმნილი ვითარებიდან გამოსავლად ნესტანს თვითმკვლელობა რჩება. ნესტანი სთხოვს ტარიელს, ილოცოს მისი სულისათვის. ტარიელი თუ მის თხოვნას შეასრულებს, ნესტანს სამოთხე ელის.

1. ნესტანი შეიძლება სხვისი გახდეს _____ 1ქ.
2. „არამ სიცოცხლე უშენოდ! ვარ აქამდისცა ნანითა“ _____ 1ქ.
3. თვითმკვლელობა _____ 1ქ.
4. ევედროს ღმერთს _____ 1ქ.
5. სასუფეველში დამკვიდრდება _____ 1ქ.

7. რუსი ოფიცრის აზრით, ბუზების გაყიდვით ახალი აღებ-მიცემობა დაიწყება. „ახლად დაჭერილ ქვეყნებს“, ოფიცრის აზრით, განათლებული ადამიანები სჭირდება. „იზღერის ბაღი გამართოს“. რუსი ოფიცრის ამ მცდელობაში ვლინდება მისი ამპარტავნობა (ქედმაღლური დამოკიდებულება). ამ მონაკვეთში ჩანს ავტორის სარკასტული დამოკიდებულება რუსი ოპფიცრის მიმართ.

1. ბუზებით ვაჭრობაში _____ 1ქ.
2. განათლებული _____ 1ქ.
3. იზღერის ბაღი გამართოს _____ 1ქ.
4. ქედმაღლობა _____ 1ქ.
5. ირონიული _____ 1ქ.

8. „ფერს არა ჰკარგავს მგლისასა“. მუცალს სიცოცხლესთან გამოთხოვება რომ არ სურს, გამოხატულია იმით, რომ იგი ჭრილობაში ბალახს იფენს. ალუდას ვაჟკაცობას რომ აღიარებს, გამოხატულია იმით, რომ მუცალი მას თოფს გადაუგდებს. გამოთქმაში – „სიტყვა გაუშრა პირზედა“ – იგულისხმება სიკვდილი. ალუდას იმიტომ „არ ეხარბება თვალი“ იარაღზე, რომ მუცალი ეცოდება.

1. „ფერს არა ჰკარგავს მგლისასა“ _____ 1ქ.
2. ჭრილობაში ბალახის ჩაფენით _____ 1ქ.
3. თოფი გადაუგდო ალუდას _____ 1ქ.
4. გარდაცვალება _____ 1ქ.
5. ალუდას შეებრაღა მტერი _____ 1ქ.

9. ლექსის პირველ სტრიქონში გამოხატულია ღირიკული გმირის სევდა (მოწყენილობა, მარტოობის განცდა...). მესამე სტრიქონში გამოხატულია ღირიკული გმირის სიყვარული. სტრიქონში „მე განშორების ცივი თოვლი მესურა“ გამოყენებულია მეტაფორა. „ვეტიროდი ხარბად – მარტოობით ნააღერსალი“. ლექსის მთავარი სათქმელია სიყვარულით გამოწვეული გულსტკივილისა და მიუსაფრობის განცდის გამოხატვა.

1. დარდი (მარტოხელობა) _____ 1ქ.
2. სიყვარული _____ 1ქ.
3. მეტაფორა _____ 1ქ.
4. „ვეტიროდი ხარბად – მარტოობით ნააღერსალი“ _____ 1ქ.
5. სიყვარულით გამოწვეული ტანჯვის გამოხატვა _____ 1ქ.

წაკითხვის გააზრება

10. დ) -----1ქ. 11. გ) -----1ქ. 12. დ) -----1ქ. 13. დ) -----1ქ. 14. ა) -----1ქ.
 15. დ) -----1ქ. 16. ბ) -----1ქ. 17. გ) -----1ქ. 18. ა) -----1ქ. 19. ა) -----1ქ.

წერითი დავალების შეფასების კრიტერიუმები

წერითი დავალების მაქსიმალური ქულაა 25. უპირველეს ყოვლისა, გამსწორებელმა უნდა განსაზღვროს, უპასუხებს თუ არა ნაწერი მოცემულ დავალებას.

თუ აბიტურიენტის ნაშრომი დავალებას არ უპასუხებს, მოცემული ტექსტის პერიფრაზია, არ არის შესრულებული არც ერთი მითითება, ან ტექსტი მთლიანობაში არაადეკვატურადაა გაგებულ, ანდა ენობრივად იმდენად გაუმართავია, რომ აზრის გაგება ჭირს, დაიწერება 0 ქულა და ნაწერი აღარ გასწორდება.

თუ ნამუშევარი დავალებას უპასუხებს, იგი უნდა გასწორდეს ქვემოთ მოცემული შეფასების სქემის მიხედვით.

№	კრიტერიუმები	კრიტერიუმების განმარტება	მაქსიმალური ქულა
I	დავალების ადეკვატურად გაგება და გააზრება	აბიტურიენტს მოეთხოვება დავალების ადეკვატური გაგება და ტექსტის სიღრმისეული გააზრება.	4
II	ნაშრომის აგება	აბიტურიენტს მოეთხოვება დავალების პირობის სამივე მითითების შესრულება, მსჯელობის თანამიმდევრულობის დაცვა, აბზაცების გამოყოფა და ნაშრომის მონაკვეთების ლოგიკური დაკავშირება ერთმანეთთან.	3
III	მოსაზრებების არგუმენტირება და ადეკვატური ციტირება	აბიტურიენტს მოეთხოვება მსჯელობის დასაბუთება და არგუმენტების გამყარება სათანადო ტექსტური მასალით.	6
IV	ტექსტის მხატვრული თავისებურებების შეფასება	ნაშრომში უნდა გამოიყოს ტექსტის მხატვრული თავისებურებები და მსჯელობა უნდა დასაბუთდეს სათანადო მაგალითებით.	2
V	დამოუკიდებელი აზროვნება და ზოგადი განათლება	ნაშრომში უნდა გამოვლინდეს აბიტურიენტის დამოუკიდებელი აზროვნება, შეხედულებათა და შეფასებათა არაშაბლონურობა, ზოგადი განათლება.	3
VI	ფაქტობრივი შეცდომები	ნაშრომში არ უნდა იყოს დაშვებული ფაქტობრივი შეცდომები.	1
VII	ლექსიკა და სტილი	აბიტურიენტს მოეთხოვება აზრის ენობრივად (ლექსიკურად) ზუსტად და მკაფიოდ გამოხატვა, აგრეთვე ისიც, რომ ნაწერი სტილისტურად გამართული იყოს.	2
VIII	სინტაქსი	აბიტურიენტს მოეთხოვება სინტაქსური კონსტრუქციების სწორად აგება.	2
IX	მორფოლოგია, ორთოგრაფია და პუნქტუაცია	აბიტურიენტს მოეთხოვება სალიტერატურო ენის ნორმების (მორფოლოგია, ორთოგრაფია, პუნქტუაცია) დაცვა.	2

I კრიტერიუმი

№	<i>დავალების ადეკვატურად გაგება და გააზრება</i>	<i>ქულები</i>
1.	დავალების პირობა ადეკვატურადაა გაგებული, ტექსტი ღრმადაა გააზრებული, ნაშრომში იგრძნობა ავტორის უმთავრესი სათქმელისა და ემოციური მიზანდასახულობის წვდომა.	4
2.	დავალების პირობა და ტექსტი ადეკვატურადაა გაგებული.	3
3.	დავალების პირობა და ტექსტი მთლიანობაში ადეკვატურადაა გაგებული და გააზრებული, თუმცა <i>ერთ</i> შემთხვევაში შეინიშნება დავალების პირობის ან ტექსტის არაადეკვატური გაგება.	2
4.	<i>ერთზე მეტ</i> შემთხვევაში დავალების პირობა ან/და ტექსტი არაადეკვატურადაა გაგებული.	1
5.	ტექსტი მთლიანობაში არაადეკვატურადაა გაგებული.	0 ნაწერი აღარ სწორდება

II კრიტერიუმი

№	<i>ნაშრომის აგება</i>	<i>ქულები</i>
1.	ნაშრომი უპასუხებს <i>სამივე</i> მითითებას და კარგადაა ორგანიზებული, მონაკვეთები თანამიმდევრულად და ლოგიკურად ენაცვლება ერთმანეთს, აბზაცები სწორადაა გამოყოფილი. <i>დავალების მითითება შესრულებულად არ ჩაითვლება, თუ მასზე მხოლოდ ერთი-ორი წინადადებით იქნება პასუხი გაცემული.</i>	3
2.	ნაშრომი უპასუხებს <i>სამ</i> მითითებას, თუმცა ნაწილობრივ დარღვეულია ტექსტის ლოგიკა ან/და ზოგან აბზაცები არასწორადაა გამოყოფილი; ან ნაშრომი უპასუხებს <i>ორ</i> მითითებას და კარგადაა ორგანიზებული, მონაკვეთები თანამიმდევრულად და ლოგიკურად ენაცვლება ერთმანეთს, აბზაცები სწორადაა გამოყოფილი.	2
3.	ნაშრომი უპასუხებს <i>ორ</i> მითითებას, თუმცა ნაწილობრივ დარღვეულია ტექსტის ლოგიკა ან/და ზოგან აბზაცები არასწორადაა გამოყოფილი; ან ნაშრომი უპასუხებს <i>ერთ</i> მითითებას და კარგადაა ორგანიზებული, მონაკვეთები თანამიმდევრულად და ლოგიკურად ენაცვლება ერთმანეთს, აბზაცები სწორადაა გამოყოფილი.	1
4.	ნაშრომი უპასუხებს <i>ერთ</i> მითითებას, თუმცა ნაწილობრივ დარღვეულია ტექსტის ლოგიკა ან/და ზოგან აბზაცები არასწორადაა გამოყოფილი.	0

III კრიტერიუმი

№	<i>მოსაზრებების არგუმენტირება და ადეკვატური ციტირება</i>	<i>ქულები</i>
1.	მსჯელობა <i>სამივე</i> მითითების მიხედვით დასაბუთებულია (არგუმენტირებულია) და არგუმენტები გამყარებულია ტექსტური მასალით.	6
2.	მსჯელობა <i>ორი</i> მითითების მიხედვით დასაბუთებულია და არგუმენტები გამყარებულია ტექსტური მასალით, ხოლო <i>მესამე</i> მითითებაზე მსჯელობისას არგუმენტები არადამაჯერებელია და/ან არ არის გამყარებული ტექსტური მასალით.	5
3.	მსჯელობა <i>ორი</i> მითითების მიხედვით დასაბუთებულია და არგუმენტები გამყარებულია ტექსტური მასალით, ხოლო <i>მესამე</i> მითითება საერთოდ არ არის შესრულებული (პერიფრაზია ან მსჯელობა ორიოდვე წინადადებითაა გადმოცემული).	4
4.	მსჯელობა <i>ერთი</i> მითითების მიხედვით დასაბუთებულია და არგუმენტები გამყარებულია ტექსტური მასალით, ხოლო <i>ორ</i> მითითებაზე მსჯელობისას არგუმენტები არადამაჯერებელია და/ან არ არის გამყარებული ტექსტური მასალით.	3
5.	მსჯელობა <i>ერთი</i> მითითების მიხედვით დასაბუთებულია და არგუმენტები გამყარებულია ტექსტური მასალით, <i>მეორე</i> მითითების მიხედვით მსჯელობისას არგუმენტები არადამაჯერებელია და/ან არ არის გამყარებული ტექსტური მასალით, ხოლო <i>მესამე</i> მითითება საერთოდ არ არის შესრულებული (პერიფრაზია ან მსჯელობა ორიოდვე წინადადებითაა გადმოცემული).	2
6.	<i>სამივე</i> მითითების მიხედვით მსჯელობისას არგუმენტები არადამაჯერებელია და/ან არ არის გამყარებული ტექსტური მასალით.	1
7.	<i>ორი</i> მითითების მიხედვით მსჯელობისას არგუმენტები არადამაჯერებელია და/ან არ არის გამყარებული ტექსტური მასალით, ხოლო <i>მესამე</i> მითითება საერთოდ არ არის შესრულებული; ან მსჯელობა <i>ერთი</i> მითითების მიხედვით დასაბუთებულია და არგუმენტები გამყარებულია ტექსტური მასალით, ხოლო დანარჩენი მითითებები საერთოდ არ არის შესრულებული; ანდა <i>ერთი</i> მითითების მიხედვით მსჯელობისას არგუმენტები არადამაჯერებელია და/ან არ არის გამყარებული ტექსტური მასალით, ხოლო დანარჩენი მითითებები საერთოდ არ არის შესრულებული.	0

IV კრიტერიუმი

№	<i>ტექსტის მხატვრული თავისებურებების შეფასება</i>	<i>ქულები</i>
1.	ნაშრომში <i>გამოყოფილია</i> ტექსტის <i>არაერთი</i> მხატვრული თავისებურება და მსჯელობა დასაბუთებულია კონკრეტული მაგალითებით.	2
2.	ნაშრომში <i>გამოყოფილია</i> ტექსტის <i>ერთი</i> მხატვრული თავისებურება და მსჯელობა დასაბუთებულია კონკრეტული მაგალითით.	1
3.	ნაშრომში <i>გამოყოფილია</i> ტექსტის მხატვრული თავისებურებები, მაგრამ არ არის დასაბუთებული კონკრეტული მაგალითებით; ანდა ნაშრომში არ არის <i>გამოყოფილი</i> ტექსტის მხატვრული თავისებურებები.	0

V კრიტერიუმი

№	<i>დამოუკიდებელი აზროვნება და ზოგადი განათლება</i>	<i>ქულები</i>
1.	ნაშრომში <i>მკაფიოდ</i> გამოვლინდა აბიტურიენტის დამოუკიდებელი აზროვნების უნარი, შეხედულებათა და შეფასებათა არაშაბლონურობა და ზოგადი განათლება.	3
2.	ნაშრომში <i>ნაწილობრივ</i> გამოვლინდა აბიტურიენტის დამოუკიდებელი აზროვნების უნარი, თუმცა <i>მკაფიოდ</i> გამოვლინდა აბიტურიენტის ზოგადი განათლება; ანდა ნაშრომში <i>მკაფიოდ</i> გამოვლინდა აბიტურიენტის დამოუკიდებელი აზროვნების უნარი, შეხედულებათა და შეფასებათა არაშაბლონურობა, თუმცა <i>ნაწილობრივ</i> გამოვლინდა აბიტურიენტის ზოგადი განათლება.	2
3.	ნაშრომში <i>ნაწილობრივ</i> გამოვლინდა აბიტურიენტის ზოგადი განათლებაც და დამოუკიდებელი აზროვნების უნარიც; ან <i>არ</i> გამოვლინდა აბიტურიენტის დამოუკიდებელი აზროვნების უნარი, თუმცა <i>ნაწილობრივ</i> გამოვლინდა აბიტურიენტის ზოგადი განათლება; ანდა ნაშრომში <i>ნაწილობრივ</i> გამოვლინდა აბიტურიენტის დამოუკიდებელი აზროვნების უნარი, მაგრამ <i>არ</i> გამოვლინდა აბიტურიენტის ზოგადი განათლება.	1
4.	ნაშრომში <i>არ</i> გამოვლინდა აბიტურიენტის დამოუკიდებელი აზროვნების უნარი, აგრეთვე <i>არ</i> გამოვლინდა აბიტურიენტის ზოგადი განათლება.	0

VI კრიტერიუმი

№	<i>ფაქტობრივი შეცდომები</i>	<i>ქულები</i>
1.	ნაშრომში <i>არ არის</i> დაშვებული ფაქტობრივი შეცდომა.	1
2.	ნაშრომში <i>დაშვებულია</i> ფაქტობრივი შეცდომა.	0

VII კრიტერიუმი

№	<i>ლექსიკა და სტილი</i>	<i>ქულები</i>
1.	ნაშრომში აზრი ენობრივად (ლექსიკურად) ზუსტად და მკაფიოდაა გამოხატული, შერჩეულია დასმული ამოცანის შესაფერისი სტილი, აგრეთვე დაცულია ნაშრომის სტილისტური ერთგვაროვნება, გვხვდება ორიოდ სტილისტური ხარვეზი.	2
2.	ნაშრომში აზრი გასაგებია, მაგრამ ლექსიკა მწირია, გვხვდება რამდენიმე სტილისტური ხარვეზი.	1
3.	თხზულება სტილისტურად გაუმართავია.	0

VIII კრიტერიუმი

<i>№</i>	<i>სინტაქსური კონსტრუქციები</i>	<i>ქულები</i>
1.	ნაშრომში დაშვებულია <i>ერთი</i> სინტაქსური შეცდომა.	2
2.	ნაშრომში დაშვებულია <i>ორი</i> სინტაქსური შეცდომა.	1
3.	ნაშრომში დაშვებულია <i>ორზე მეტი</i> სინტაქსური შეცდომა.	0

IX კრიტერიუმი

<i>№</i>	<i>მორფოლოგია, ორთოგრაფია და პუნქტუაცია</i>	<i>ქულები</i>
1.	არ არის <i>ოთხზე მეტი</i> ამ ტიპის შეცდომა.	2
2.	არ არის <i>ცხრაზე მეტი</i> ამ ტიპის შეცდომა.	1
3.	დაშვებულია <i>ცხრაზე მეტი</i> ამ ტიპის შეცდომა.	0